

Carmina Lugubria, Piis Manibus ... Dn. Nicolai Scharffenbergii, ICti Eximii, & in patria Consulis ... Cum ipsi 8. Decembris, iusta funebria, in maxima totius urbis frequentia, honorifice persolverentur

Rostochii: Kilius, 1651


<http://purl.uni-rostock.de/rosdok/ppn777433583>


Druck Freier  Zugang



24/3
Schütze, N.,
in
Nie. Scharfenberg.

Rost. 1651.





CARMINA LUGUBRIA,

PIIS MANIBUS

MAGNIFICI, NOBILISSIMI, AM-
PLISSIMI CONSULTISSIMI ATQVE
EXCELLENTISSIMI DOMINI.

DN. NICOLAI
SCHARFFENBERGIJ,

JCTi Eximij, & in patriâ CONSULTIS

Eminentissimi, meritissimique

Cum ipsi 8. Decembris, *justa funebria, in maximâ*
totius urbis frequentia, honorificè persolverentur

à
Dn: Professoribus, Doctoribus, Ver-
bi divini Ministris & alijs amicis
consecrata.



ROSTOCHII,

Typis NICOLAI KILII, Academiae Typogr.

ANNO M. DC. LI,

Consul qui patriam longò jam tempore
juvit

Consiliis, placidâ morte peremptus abit,
Sic abit, Ast intrat suprema palatia cœli,
Ac velut Hospes ovat Dives amore Dei.

Nicolaus Schütze / J. U. D.
Profess. p. t. Acad. Rector.

Non imos solum, sed & altâ sede locatos,
Cum vult, Altitonans, è statione citat.

Condol. c.

Hermannus Schuckman/
Theol. D. & Prof.

Collapsum est Patriæ Columen. Sustainet eandem,
Ne collabatur, dextra benigna DEI!

Casparus Mauritius, Th. D. P. P. & Eccles.

Eripitur nostra, Vir prudentissimus urbi.
Quis cadit POPULI nomine VICTOR erat
MONS & ACUTUS erat cognomine: mortis acuta
Spicula non potuit vincere; victus obit.

Consuluit patria CONSUL: tamen arte nequivit

Adversus mortem consuluisse sibi,

Scilicet hæc lex est: Homines moriantur. Et imum

Et primum gressu mors properante premit,

Quid tum? Qui didicis tecum bene mortue Consul

Rite mori, vivit mortuus ille DEO;

Vivis, Maternam vivet post fata superstes;

Quæq; dedis terra, mox dabit ossa polo.

Henricus Rahne / J. D. & Prof.

Excels

Excellens, Patriæ columen dilabatur, Eheu
Nudatur fulcris Curia nostra datis.
Omnia nunc luctu resonant, verùm Ille reliquit
Luctum qui passim cingit utramq; Domum.
Lugentem Patriam, Numen refocillet, acerbò
Costam cum charâ Prole dolore levet.

Dolor, testab.

Johannes Corfinius, Th. D.
D. Mar. Past. & P. P.

Quis non deficeret tanta sub mole laborum
Quos præbet patriæ Curia mille modis?
Pectore sed nunquã fracto perferre, quod offert
Fortuna, exemplo, Vir memorande, tuo,
Hoc rarum paucisq; datum: tibi nominis illud
Immortale feret perpetuumq; decus.

Stephanus Schultetus,
Med. D. & P. P.

De Scharffenbergio Conf.

Doctus erat, prudens, animosus; vera duobus
Dicenti verbis credite, Magnus erat.
*Displicuit multis, esto, non omnibus ullus
Unquàm, nec magnus Juppiter ipse placet;
Stultorum stulti, quibus omnia plena, probatos
Dissimilesq; sui remnere sepe solent.*

Alexander Kirchberg/ D.

Immiti rursus Parcarum falce resecta
Heu Urbis Rostoc prima columna cadit!

A 2

Morte

Morte repentinâ cadit heu *Scharfbergius* Urbis
Consul, consilii dexteritate valens!
Plangendo Cives nunc indulgete dolori
Et vos iratum credite habere Deum.
Tristiter hæc equidem facies & plena doloris
Jam dubio incedit Curia veltra pede.
Sed Deus avertat malum, pellatq; malignam
Aten, ne nostros concitet illa lares. (læq;
Moenibus ac vigeant his nostris, Tempa, Scho-
Curia curarum haud pondere pressa gemat.
Ast tu quam felix ô Prudentissime Consul
Cunctis de adversis cui metus omnis abest?
Ergo felicem te dicimus, ergo beatum
Ducimus, exitiali quia sede migras.

doloris concessandi ergo f.

Adolph. Fridericus von Hagen/D.

Altera Luna novum mundo vix proculit orbem,
Cum steti Patris fata suprema senis.
Nunc iterum lugenda parat spectacula nostris
Et causam lachrymis porrigit atra dies.
Ecce sepulchralem defuncto Consule pompam,
Obscuram nigra cernito veste domum.
Namq; Pater patria moritur, quo publica vivo
Semper Res tulo privaq; firma stetit
O Cives, Cives lapsis succurrite rebus
Et prope re junctis hoc animis agite:
Quis tanto Atlanti dignus succedat, & orbem
Torqueat hunc humeris sustineatq; suis.

Ex animo incereus scrib.

J. Christoph. Hufwedel. J. D.

Inclita si calcare patris vestigia, primum est,
Est virtute annos antevenire, decus:
Si laudem Doctrina aliquam laudata meretur,
Et constans veræ religionis amor:
Nulla recusare ob Patriam discrimina, nullâ
Dum vires, frangi est gloria mole, sinunt:
Publica privatis præponere, spernere cœca
Dona, Magistratus testis est arrha pii:
Et tandem gelidam mortem si mente quietâ
Expectare, omnis summa caputq; boni est:
SCHARFENBERG quis te vitam feliciter egit?
Quem Schola, Religio & Curia nostra dolet.
Ah! qui non paucos magna cum laude per annos
Et fructu Patriæ præfuit Ecce! cadit.
Hinc SCHARFENBERGI, tua laus nomen-
que manebunt,
Ac honor usq; viget, gloria, fama vigent,
Donec erunt pietas, doctrina, modestia, candor
Quæ nullo extinguet turba maligna die.
Et quamvis tellus habeat nunc putre cadaver,
Mens tamen in cœlis vivit amata Deo.
Quæ Christi quoq; sub reditu, cū corpore juncta
Vivet, & absq; ullo gaudia fine feret,
Joannes Bacmeister, Med.D.

Curatis amisso fluit at sine lege magistro,
Cum turbas tremulum savior aura salum;

Tum sibi quisq̄ timet, gens cuncta stat ore gelato
Anxia, ne tumidis fessa prematur aquis:
Sic ubi Tu nostram, noster Palinure, carinam
Deseris, exitium flebile quisq̄ timet.
Urbs mæret, squalent viduasi Consule fascēs,
Exonerat lacrymas Varnus & ipse suas.
Si quis ades, gressum noli celerare, Viator,
Et tantum discas jura valere necis:
Scilicet hæc situs est, (heu Scharfenbergius urna,
Virtutum specimen, justitiæq̄ Parens;
Sic mutat Libitina vices, sic omnia turbat,
Et sua stat simili lege cuiq̄ dies:
Omnia mors aquat, nihil altos curat honores.
I nunc, & summos disce perire Viros;

Condolentiæ attestandæ ergo fecit

M. Lucas Bacmeisterus, SS. Th. Prof.

O Cecidit heu nostræ CONSUL columenque Rhodantes;
Resque (dolor!) damnum publica grande tulit.
Multum consilio, multum gravitate valebat,
Natus & hinc ipsi plurimus Urbis amor,
O Successorem cives exposcite votis,
Publica cui curæ sit, sine fraude, Salus;
Credite, si recto steterint modo Publica talo
Res quoque priya bonæ conditionis erit.

A. Tscherningius, P. P.

Mi Jesu, Salva Nos, Perimus.

SCHARFENBERGIADES, qui DOCTOR Juris & Equi,
Morte cadens, patitur nunc sibi Jura dari;
Qui CONSUL Rosæ modo Prudentissimus Urbis,
Nunc sine Consiliis, & sine Mente jacet.

Qui

Qui PRORECTOR erat Patria, COLUMENq, Roseti,
Occidit, Auxilio Praesidioq, carens:

Qui LIBERTATIS praestans ASSERTOR, & acer,
Assertore Carens vincula Mortis habet:

Qui REQUIEM Civi dum praestitit irrequietus
Vivens, vix requiem Morte subactus habet,

Gloria sic Mundi transit; sic floret honoris
Ver breve; nec praeter Curia pondus habet:

Ludi spectator, talem qui perspicis Actum,
Advertens animum Rem sapienter age.

Felix qui Mundum spernit, caelestia Curat,
Intendens animo Regna beata Poli;

Certus is in caelis, cum vita deseret hujus
Scenam, caliculis associatus erit.

Ultimus honor Defuncto Coll. exhibitus à

MISPAN. M. S. & P. L. C.

Heu cecidit nostri, lugete, columna Roseti!
Funditus ut pereat, ne, DEUS alme, sinas!

M. Johannes Känkeler/
Ecl. ad S. Petrum Pastor.

Rostochij Columna jacet, Eheu! Plangite Cives,
Plangite; Nam clades atq, ruina prope est,

Jova etenim panas quando minitatur acerbas
Urbibus, Egregios eripit inde Viros.

Hanc precibus calidis contrito ex pectore promptis
Placemus, posthac quo mala cuncta fuges.

Condol. Ergo L. mq, f.

M. Rembertus Sandhagen, Ad D. N. V. D. M.

Con.

Consuluit multis, qui Consul obire paratus
In Domino, utq; animæ consulat ipse suæ.

*Observantia & Condolentiæ ergo
deproperab.*

Joach. Lindemann, ad Div. Pet. Eccl.

Conjux & liberi Superstites.

Siccine spem præter eadē ictus cuspidē mortis?
Siccine nos miseros deseris orbe Pater?

Defunctus.

*Sic placuit DOMINO, cuius sit sancta voluntas,
Et placeant vobis quæ placuere DEO.*

Superstites.

*Nos infelices, qui te privamur asylo,
Quassat ubi patrium dira procella solum.*

Defunctus.

*Nactus ego portum non sentio murmura Ponti,
Qua me diversis exagitare modis*

Superstites.

*Hunc tibi gratamur! Salveq; valeq; perennè;
Respiciant nostras Numina sancta vices.*

Defunctus.


*Cara mihi Conjux, & pignora cara valese:
Posite Supremum, fere miserator opem.*

M Joachimus Albinus, Eccl. Warmm. Past.

Ille gubernator Rosæ laudabilis Urbis
SCHARFFENBERG cheu! VIXIT. Prudentia solers
Integritasq; VIRI non proderit amplius ulli.
Non intelligimus præsentia commoda; serò
Intellecta, dolet quivis, bona quando priora
Nusquam comparent. Illius fama superstes
Major erit, quàm vita fuit. Sic sentio & opto.

M. Michael Cobabus.

Patria





Inclita si calcare patris vestigia, primu
Est virtute annos antevenire, decus
Si laudem Doctrina aliquam laudata me
Et constans veræ religionis amor:
Nulla recusare ob Patriam discrimina, n
Dum vires, frangi est gloria mole, si
Publica privatis præponere, spernere c
Dona, Magistratus testis est arrha pi
Et tandem gelidam mortem si mente qu
Expectare, omnis summa caputq; b
SCHARFENBERG quis te vitam felicit
Quem Schola, Relligio & Curia nost
Ah! qui non paucos magna cum laude p
Et fructu Patriæ præfuit Ecce! cadit.
Hinc **SCHARFENBERG**I, tua laus
que manebunt,
Achonor usq; viget, gloria, fama vig
Donec erunt pietas, doctrina, modestia;
Quæ nullo extinguet turba maligna
Et quamvis tellus habeat nunc putre ca
Mens tamen in cœlis vivit amata De
Quæ Christi quoq; sub reditu, cū corpo
Vivet, & absq; ullo gaudia sine ferer
Joannes Bacmeister, M

Curatis amisso fluitat sine lege magistro,
Cum turbas tremulum savior aura salum.

3

